

বেঙ্গলে
অ্যাসোসিয়েশন
আয়োজিত
একাদশ সিনে
উৎসব আগামী
১০-১২ই আগস্ট
(শুক্র - রবিবার)
মুক্তধারা
প্রেক্ষাগৃহে

Posted on 8th & 9th July, 2018 from New Delhi PSO
Date of Publishing 6th June, 2018

Total pages 8

RNINO - DELBEN/2001/2869
POSTAL REGD. NO. DL(ND)-11/6115/2018-19-20

অ্যাসোসিয়েশন সংবাদ-২০৫

ASSOCIATION SAMBAD

July - 2018 Volume 18 No.4

বেঙ্গলে
অ্যাসোসিয়েশন

Price Rupee One

If undelivered please return to
Bengal Association, Banga Sanskriti Bhawan,
18-19, Bhai Veer Singh Marg,
Gole Market, New Delhi - 110001 Tel. 23344808
E.mail : bengalassociation1819@gmail.com

www.bengalassociation.com

সম্পাদকের ডেস্ক থেকে

বহু প্রতীক্ষার পর অবশেষে দিল্লির তৃষগর্ত মাটি বৃষ্টির ছোঁয়া পেলো। যদিও এই কংক্রিটের জঙ্গলে বৃষ্টি ভেজা সোঁদা মাটির গন্ধ খোঁজার চেস্তা নিতান্তই পাগলামি তবুও বাঙালীর স্বভাবে যা লুকিয়ে আছে তাকে অস্বীকার করি কী করে? সুতরাং মনটা আকাশে কালো মেঘ দেখলেই বলে ওঠে “ছায়া ঘনাইছে বনে বনে”।

বেঙ্গল অ্যাসোসিয়েশন এবছর হীরক জয়ন্তী বর্ষ পালন করছে। এই উপলক্ষে সারা বছর ব্যাপী নানা ধরনের সামাজিক ও সাংস্কৃতিক অনুষ্ঠানের আয়োজন করা হয়েছে। আর কিছুদিন পর আগস্টের ১০ থেকে ১২ তারিখ, ২০১৮ বাংলা সিনেউৎসব, তার প্রস্তুতি প্রায় সম্পূর্ণ।

বাংলার সংস্কৃতির অনেকটা অংশ জুড়ে রয়েছে টালিগঞ্জের সিনেমা শিল্প। বিভূতিভূষণের ‘পথের পাঁচালী’ গল্প নিয়ে নির্মিত সিনেমার হাত ধরেই বাঙালির ঘরে এসেছে আন্তর্জাতিক স্বীকৃতি পুরস্কার। বিশ্ববন্দিত পরিচালক সত্যজিৎ রায় যার নির্দেশক। বর্তমানে টালিগঞ্জে অনেক পুরনো বিশিষ্ট পরিচালকের সঙ্গে সঙ্গে নতুন নতুন পরিচালকের নির্মিত সিনেমা আমরা পাচ্ছি যেগুলোর আঙ্গিক চিন্তাভাবনা, রূপকল্প সবটাই অনেক বেশি বাস্তবধর্মী এবং দর্শক প্রশংসিত।

ছকে বাঁধা একঘেয়ে প্রেম-বিরহ আর হিংস্রতার গল্প থেকে বেরিয়ে বর্তমান সময়ে মানুষের মনের অন্তর্নিহিত সমস্যা ও তার সমাধানের বিষয়ে লেখা গল্প নিয়ে তৈরী সিনেমা বা সামাজিক দায়বদ্ধতা নিয়ে পরীক্ষা নিরীক্ষা করার মাধ্যম হিসাবে সিনেমা দেখার প্রবণতা বেড়েছে।

আমরা দিল্লির ও প্রান্তিক দিল্লির খুব কম সংখ্যক বাঙালিরা এই নতুন সিনেমাগুলি দেখতে পাই, বা বলা চলে সিনেমাগুলি আমাদের ধরা ছোঁয়ার বাইরে থাকে। দিল্লিতে খুব কম কয়েকটি জায়গায় মাঝে মধ্যে বাংলা সিনেমা দেখানো হলেও তা সবার পক্ষে দেখতে যাওয়া সম্ভব হয়ে ওঠে না।

বেঙ্গল অ্যাসোসিয়েশন বিগত বেশ কয়েক বছর ধরে সিনেউৎসবের মাধ্যমে এই সমস্যাকে কিছুটা হলেও কাটিয়ে উঠতে সক্ষম হয়েছে।

আমরা মুক্তধারা প্রেক্ষাগৃহে সিনেউৎসবের মাধ্যমে প্রতি বছর বেশ কিছু নতুন ছায়াছবি সহ মঞ্চে নির্দেশক, অভিনেতা, অভিনেত্রী আপনাদের সামনে উপস্থিত করি যাতে বাংলা ছেড়ে এলেও বাংলা সিনেমা দেখার থেকে নিজেদের বঞ্চিত না ভাবি।

এবারের সিনে উৎসবে থাকবে অনেকবেশী নতুন প্রজন্মের স্বনামধন্য তারকার সমন্বয়। সিনেমার পর্দায় যাদের অভিনয় দেখে আমরা আনন্দ পাই সেই সব তারকাদের মুখোমুখি হবার সুযোগ পাবেন ও তাদের সঙ্গে সাক্ষাতে অনেক কিছু অজানা তথ্য আপনারা সংগ্রহ করতে পারবেন। আমাদের বিশ্বাস এবারের এই একাদশ সিনেউৎসব আপনাদের বাংলা সিনেমা দেখার ও সে বিষয়ে ভাবনা চিন্তা করবার চাহিদা পূরণ করতে সক্ষম হবে।

অ্যাসোসিয়েশন সংবাদ

গত ১০ই জুন, ২০১৮ (২৬শে জ্যৈষ্ঠ সন ১৪২৫) রবিবার বেঙ্গল অ্যাসোসিয়েশনের ৪৩তম সাধারণ বার্ষিক সভা শান্তিপূর্ণ পরিবেশে সাফল্যের সঙ্গে অনুষ্ঠিত হয়ে গেল। সাধারণ সম্পাদক শ্রী তপন সেনগুপ্তের আহ্বানে সভার সভাপতিত্ব করেন শ্রী অমিতাভ মুখার্জী মহাশয়। মঞ্চে উপস্থিত ছিলেন সহসভাপতি শ্রী তপন রায়, শ্রী বিজয় চৌধুরী এবং ফাইন্যান্স কমিটির চেয়ারম্যান শ্রী অমিতাভ ভট্টাচার্য মহাশয়। সম্পাদক শ্রী তপন সেনগুপ্ত উপস্থিত সকল সদস্যদের বিগত বছরের কর্মকাণ্ড ও আগামী দিনের প্রস্তাবিত কার্যবিবরণী সকলকে অবগত করান। এরপর তিনি উপস্থিত সকল সদস্যকে এবং কার্যকরী সমিতির সকল সদস্য ও সদস্যকে ধন্যবাদ জ্ঞাপন করেন।

গত ৯ই জুন, ২০১৮ বেঙ্গল অ্যাসোসিয়েশনের পক্ষ থেকে প্রখ্যাত চিত্রশিল্পী ধীরাজ চৌধুরীর প্রয়াণ উপলক্ষে মুক্তধারা চিত্রশালায় শিল্পীকে শ্রদ্ধাঞ্জলী অর্পণ করা উদ্দেশ্যে এক স্মরণ সভার আয়োজন করা হয়েছিল। এই বিশেষ অনুষ্ঠানে যোগদানকারী সকল শিল্পী ও জ্ঞানীগুণী ব্যক্তিদের জানাই ধন্যবাদ।

আগামী ২৯শে জুলাই রবিবার বেঙ্গল অ্যাসোসিয়েশনের এমাসের বাংলা সিনেমা “নিধিরাম সর্দার”। স্থান - মুক্তধারা প্রেক্ষাগৃহ। সময় সন্ধ্যা ৭টা। সুধীজন স্বাগত।

দিল্লির বঙ্গ সংবাদ

বেঙ্গল অ্যাসোসিয়েশনের আজীবন সদস্য শ্রী বাপী বোস এ বছর নাট্যনির্দেশনার জন্য ভারত সরকারের পক্ষ থেকে সঙ্গীত নাটক অ্যাকাডেমী পুরস্কারে ভূষিত হয়েছেন। বহির্বঙ্গে বাঙালি নাট্য নির্দেশক হিসেবে তিনিই প্রথম এই পুরস্কারে পুরস্কৃত হলেন। আমাদের শুভেচ্ছা।

বেঙ্গল অ্যাসোসিয়েশনের আজীবন সদস্য তথা দিল্লির বর্ষীয়ান কবি - সাহিত্যিক শ্রী রুদ্রেন্দ্র প্রসাদ ঘোষের নবম কবিতা সংকলন “The Treasure of Tears” লন্ডনের অলিম্পিয়া পাবলিকেশন দ্বারা প্রকাশিত হয়েছে। ইচ্ছুক পাঠক বইটি amazon.in এর মাধ্যমে সংগ্রহ করতে পারেন। আমরা আন্তর্জাতিক স্তরে বইটির সমাদর প্রার্থনা করি এবং কবির দীর্ঘ ও সুস্থ জীবন কামনা করি।

গত ৩০শে জুলাই, ২০১৮, দিল্লির পরিচিত সঙ্গীতসংস্থা “সপ্তকের” বার্ষিক সঙ্গীতানুষ্ঠান পরিবেশিত হল। খুব সুন্দর পরিবেশনা ও পরিচালনায় অনুষ্ঠানটি সাফল্যলাভ করে। আমাদের অভিনন্দন।

বিদ্যালয় সংবাদ

বিনয় নগর বেঙ্গলী সিনিয়ার সেকেন্ডারী বিদ্যালয় দিল্লিতে দীর্ঘ ৬৬ বছর ধরে অত্যন্ত সাফল্যের সঙ্গে শিক্ষাপ্রতিষ্ঠান হিসাবে নিজেকে প্রতিষ্ঠিত করতে সক্ষম হয়েছে। এই বিদ্যালয়ের শিক্ষার মান, সুস্থ রুচি, ছাত্রছাত্রীদের মূল্যবোধ ও সদাচরণ সামাজিক পরিকাঠামো গঠনে সদাসচেষ্ট।

অতীতে এই বিদ্যালয় থেকে অনেক ছাত্রছাত্রী দেশের উচ্চপদে নিজেদের প্রতিষ্ঠিত করেছেন এবং সর্বস্তরে সমাজের মঙ্গলায়নের পথে নিজেদের নিয়োজিত করেছেন।

এই বিদ্যালয় মাতৃভাষা বাংলাকে অন্যান্য বিষয়ের সঙ্গে সমানভাবে গুরুত্ব দিয়ে বাংলা সংস্কৃতিকে রাজধানীর বুকো বাঁচিয়ে রাখার কাজটিও করে যাচ্ছে নিরলসভাবে। বিনয় নগর সিনিয়ার সেকেন্ডারী বিদ্যালয় এক বৃহৎ পরিবারের মত একজন বিদ্যার্থীর সর্বাঙ্গীন বিকাশের প্রতি সজাগ দৃষ্টিপাত করে থাকে কারণ শিক্ষাই হল মনুষ্যত্ব গঠনের একমাত্র চাবিকাঠি। এই বিদ্যালয়ে প্রথম থেকে অষ্টমশ্রেণী পর্যন্ত ভর্তি চলছে। যোগাযোগ ০১১-২৪৬৭২৮৭৫, মোঃ ৯৯৭১৪৮২৪২০।

শোক সংবাদ

গত ৩রা আষাঢ়, ১৪২৫ (ইং ১৮ই জুন, ২০১৮) সোমবার অ্যাসোসিয়েশনের আজীবন সদস্য শ্রী শুভ্রাংশু চক্রবর্তীর পিতা গৌরী সাধন চক্রবর্তী কলকাতায় পরলোক গমন করেছেন। আমরা তাঁর আত্মার শান্তি কামনা করি এবং তাঁর শোকসন্তপ্ত পরিবারবর্গের প্রতি গভীর সমবেদনা জানাই।

দিল্লির সকল শিক্ষা প্রতিষ্ঠান, ক্লাব ও সংস্থার কাছে আমাদের নিবেদন আপনাদের সংস্থার সংবাদ আমাদের জানান, আমরা সেটি পরবর্তী অ্যাসোসিয়েশন সংবাদে প্রকাশ করার চেষ্টা করব।

একাদশ সিনেউৎসব ২০১৮

বেঙ্গল অ্যাসোসিয়েশন বাংলা ভাষার প্রচার ও প্রসারে নিরলস প্রচেষ্টায় ব্রতী। বাংলা সাহিত্য, শিল্প সংস্কৃতির উন্নয়ন ও বিস্তারে সজাগ ও সম্যক দৃষ্টিপাত আমাদের বিশেষ লক্ষ্য। সেই সন্দর্ভে আগামী ১০ই থেকে এবং ১২ই আগস্ট ২০১৮ বেঙ্গল অ্যাসোসিয়েশন আয়োজিত তিনদিন ব্যাপী একাদশ সিনেউৎসব অনুষ্ঠিত হবে মুক্তধারা প্রেক্ষাগৃহে। ১০ই আগস্ট, শুক্রবার সকাল দশটায় শুরু হবে একাদশ বাংলা সিনেউৎসব। অনুষ্ঠান উদ্বোধন করবেন টলিউডের তথা ভারতের সিনেমা জগতের প্রখ্যাত অভিনেত্রী শ্রীমতী ঋতুপর্ণা সেনগুপ্ত। এছাড়াও এই তিনদিনের অনুষ্ঠানে বাংলার এক ঝাঁক তরুণ প্রজন্মের তারকার সমাবেশ হবে এবারের উৎসবে। বিস্তারিত বিবরণের জন্য যোগাযোগ করুন আমাদের মুক্তধারাস্থিত অফিসে।



আয়োজিত

একাদশ
বাংলা

মিনে
উৎসব

11th BANGLA CINE UTSAV
10th, 11th & 12th AUGUST 2018

MUKTADHARA AUDITORIUM, BHAI VEER-SINGH MARG,
GOLE MARKET, NEW DELHI -110 001

দিল্লিতে বাংলা বইয়ের একমাত্র প্রাপ্তিস্থান -

মুক্তধারা পুস্তক বিপণী

১৮-১৯, ভাই বীরসিং মার্গ, গোলমার্কেট, নিউ দিল্লি-১১০০০১



বই পড়ুন, বই পড়ান, প্রিয়জনকে বই উপহার দিন।

সুসংবাদ - আগামী বছর থেকে এখানে বিদ্যালয়ের সিলেবাস অনুসারে
পাঠ্যবই পাওয়া যাবে।

ASSOCIATION SAMBAD
Date of Publishing 6th July, 2018

বেঙ্গলে অ্যাসোসিয়েশন

আয়োজিত এ মাসের সিনেমা



নির্দেশনা : রবি ঘোষ

অভিনয়ে : উত্তমকুমার, অপর্ণা সেন, উৎপল দত্ত প্রমুখ

২৯শে জুলাই, ২০১৮ রবিবার সন্ধ্যা সাড়ে ছটায় মুক্তধারা অডিটোরিয়ামে
শুধুমাত্র সদস্যদের জন্য

Editor, Printer and Publisher Shri Tapan Sengupta
Published on behalf of Bengal Association, New Delhi.
Printed at Pearl Printers, 52, DSIDC Shade, Okhla-I, New Delhi